



Broj: 01/1, 02/1-50-1-228-2/09
Sarajevo, 29.5.2009. godine

Zabilješka o sastanku s prof. Nenadom Stojanovićem, koordinatorom projekta „Podrška Švicarske ustavnopravnim komisijama Parlamentarne skupštine BiH“

Ustavnopravne komisije Parlamentarne skupštine BiH primile su u posjetu profesora dr. Nenada Stojanovića, koordinatora projekta „Podrška Švicarske ustavnopravnim komisijama Parlamentarne skupštine BiH“. Projekat pomoći dogovoren je prilikom susreta Nj.E. ambasadora Rolfa Lenza s predsjedavajućim domova Parlamentarne skupštine BiH i predsjedavajućim ustavnopravnih komisija, održanim 5.3.2009.

Sastanku su, osim koordinatora projekta gosp. Stojanovića, prisustvovali: predsjedavajući i članovi ustavnopravnih komisija oba doma: Šefik Džaferović i Ivo Miro Jović, Velimir Jukić, Halid Genjac, Zoran Koprivica, te sekretari ustavnopravnih komisija Igor Bajić i dr. Zijad Hasić.

Prof. dr. Stojanović ovom prilikom podsjetio je da je ovaj projekat nastao kao izraz želje Vlade Švicarske Konfederacije da pomogne u procesu ustavnih promjena u Bosni i Hercegovini.

Kako je već dogovoreno s ambasadorom Lenzom, u okviru projekta planirano je putovanje u Švicarsku gdje će biti održan dio tematskih radionica, i to: u Cirihi, Arau, Bernu i Ženevi na kojima će se, uz interaktivno učešće, analizirati komparativni ustavnopravni sistemi složenih država kao što su: Švicarska, Belgija, Španija, Njemačka, sistem neposredne demokratije i odnos između različitih nivoa vlasti u složenim državama. Predviđen je i susret s parlamentarcima na saveznom i kantonalnom nivou.

Prof. dr. Stojanović ukazao je da je sada potrebno dogovoriti termin putovanja u Švicarsku. Za delegaciju u kojoj je 19 lica i koju čine svi članovi, oba sekretara, savjetnik, odnosno saradnica u obje komisije, troškove putovanja, smještaja i boravka snosit će Vlada Švicarske Konfederacije. Ako se ukaže potreba, zbog brojnosti delegacije, iskazana je spremnost da se delegaciji osigura i polovina troškova dnevnica za službeno putovanje u Švicarsku.

U okviru ponuđenih termina dogovoreno je da putovanje i boravak u Švicarskoj traje pet dana i to u periodu od 28.6. do 2.7. 2009., te da se odmah preduzmu aktivnosti na realizaciji dogovorenog putovanja, u skladu s procedurama u Parlamentarnoj skupštini BiH.

Na kraju sastanka predsjedavajući i članovi ustavnopravnih komisija istakli su svoju zahvalnost Vladi Švicarske na pomoći i organizaciji ovog projekta, uz sugestiju da se u okviru planiranih radionica posebno razmotre komparativna iskustva u vezi s organiziranjem javnih rasprava o ustavnim promjenama, odnosno eventualno ukaže na moguća rješenja za ustavne promjene.

SEKRETAR USTAVNOPRAVNE
KOMISIJE PREDSTAVNIČKOG DOMA
Igor Bajić s.r.

SEKRETAR USTAVNOPRAVNE
KOMISIJE DOMA NARODA
dr. Zijad Hasić, s.r.